



0,00 €

A PIAZZETTA

informazione corsa, azizume è scherzu • #26 • estate 2016



iè, hè tuttu veru! attualità



In tantu, in Tailanda...
(L'Express)



In un webdocumentariu fattu da Arte (www.horsjeu.football), l'anzianu futbalore è campione di u mondu 98 Emmanuel Petit si dumanda s'è a vittoria di a Francia ùn era micca arrubata : "Est-ce que ce n'était pas un petit arrangement ? Je n'en sais rien moi. Sur le terrain, on se défonceait vraiment pour tout gagner face à nos adversaires. Mais, avec tout ce qui se passe maintenant, je suis arrivé à me poser la question".

"Cela me fait flipper parfois, suis-je en train de devenir paranoïaque ?, Était-on des marionnettes pour faire marcher l'économie ? A-t-on vraiment gagné ce Mondial ? Moi je pense que oui. Nous, les joueurs, avons tout fait pour cela. Après, je ne sais pas s'il y a eu des arrangements."

I Footix di 98 facenu menu i macchi.



Eccu cum'è u giornale France Football avia fattu i so prunòstichi di classifica finale pè a stagione 2015-16. Peccatu per elli, u Sporting hà compiu decesimu.



◀ I Coreani dicenu avè inventatu un ghjacciu anti-sborgna. Si chjama "Gyeongdo-bar" (vole di in coreanu : "teni u colpu") è d'appressu à elli vi face passà a grossa pena in capu di u lindumane di scimia. Disgraziatamente, ùn hè ancu commercializata in Europa.



Rémy Fraisse, usu appena troppu forte di a matracca in e manifestazione, flashball... Un cumitatu di l'ONU s'inchieta : "Le Comité contre la torture est préoccupé par les allégations d'usage excessif de la force par les fonctionnaires de polices et de gendarmerie ayant, dans certains cas, entraîné des blessures graves ou des décès".

S'elli a dicenu...

iè, hè tuttu veru!

attualità



In a cità di Toulouse, e placche di i carrughji sò bilingue, in francese è in occitanu. Andate à capì perchè, in Corsica malgradu i grandi discorsi nant'à a cuufficialità, ùn ci la femu.



L'aiaccinu Rodéric Filippi hè statu numinatu da u situ Les Cahiers du Football pè u so premiu, u "Ballon d'eau fraîche" 2016. S'ellu ùn hà micca vintu, u difensore hè piaciutu à a redazione per a so originalità. Almenu hè onestu nant'à e so qualità tecniche. In un'intervista à So Foot dicia : "Techniquement, j'ai des briques à la place des pieds, j'étais juste le stoppeur bourrin qui dégage loin devant et basta". Dop'à a so carriera professionale? "j'essaie de faire une formation de chauffeur poids lourd". In quant'à a so vittura, spiegava à L'Equipe : "Les autres sont beaux avec leur Mercedes ou leur Audi, mais il y a deux jours, quand un coéquipier a acheté une grosse télé, il était bien content que j'aie mon Kangoo."

iè, hè tuttu veru! attualità

In Purtichju, u hashtag di Twitter #nevenezpas hè diventatu slogan è risponde à un pannellu publicitariu : (ritrattu Facebook)



Emmanuel Macron hà lanciatu u so muvimentu chì si chjama "En marche" è chì si vole "ni à droite ni à gauche". D'altri nanz'à ellu anu tenutu stu discorsu. Attenzione, à rombu d'ùn esse indocu, si face n'importa chè.



A cuufficialità, femula da per noi? L'anu capita i "testimoni di Ghjeova" chì distribuiscenu un stampinu scrittu sanu sanu in lingua corsa. Òn ridite micca, ùn ci hè mancu un sbagliu.



Puma, Nike, Adidas spendenu furtune pè spunsorizà e squadre chì partecpeghjanu à l'Euro di ballò, è sò millaie d'accaniti à cumprà e magliette. Ma quantu costanu da veru? Casca bè, u situ Médiapart hà fattu a so inchiesta. Avà, a sapete.



In a categoria "On a la même couleur mais on a pas le même maillot" : Yassine Jebbour s'hè ritruvatu incarceratu in Parigi. Ugruppudu Turchini l'hà chjappu è purtatu à u cummissariatu dopu ch'ellu avessi brusgiatu parecchi fochi rossi cù a so vittura. U difensore di u Sporting hà dinù ricusatu di fà l'alcotest è prufittatu per mette un calciu à un pulizzeru. Pulizza in ogni locu, ghjustizia indocu !



U situ weromantique, com hà publicatu un'inchiesta intitulata "Les Français et le Sexe. Quelle est la région la plus chaude?". A Corsica ùn ci hè. Ùn hè mintuvata mancu una volta. Duie suluzione : sia ùn si passa nunda, sia ùn simu più francesi.

Investissez dans le neuf en Corse
Effacez vos impôts !

Une excellente opération patrimoniale aux nombreux avantages

- UNE FORTE RÉDUCTION D'IMPÔT avec la Loi Pinel : Jusqu'à 63 000€ d'économie d'impôt !
- UN RENDEMENT LOCATIF IMPORTANT car la Corse fait partie de la zone A (plafond de loyers élevé)
- UN MARCHÉ LOCATIF DYNAMIQUE TOUTE L'ANNÉE : Le parc locatif est vieillissant ce qui rend les biens neufs très recherchés par les locataires de l'île
- UN CONTEXTE ÉCONOMIQUE REMARQUABLE, soutenu par une démographie bien supérieure à la moyenne nationale
- UN PATRIMOINE CULTUREL ET NATUREL EXCEPTIONNEL

Le programme du mois à Porto-Vecchio pour quelques privilégiés

Un lieu unique où il fait bon vivre:
Une résidence de **grand standing** dans un **écrin de verdure** de 12 logements seulement s'ouvrant tous sur de **larges terrasses ou jardins privés**. Elle bénéficie d'un **emplacement d'exception** au calme absolu et à proximité du centre-ville.

Possibilité de location saisonnière

→ Demande d'informations

N'attendez plus pour investir sur cette île paradisiaque et pour bénéficier des nombreux atouts de la loi Pinel. A partir de 200€/mois

Giovanu Corsu, cerchi di cumpratti un alloghju è ùn poi micca perchè hè troppu caru ? Trippa ! D'altri a facenu per tè. Sta pubblicità circuleghja per mail.

Serata in Patrimoniu

9 di lugliu Teatru di virdura

A Piazzetta – Compru in Corsu – Praticalingua
Canti, soni, paghjelle è violinu.
Da beie è da manghjà.

Veni!

cuntattu : Sarah 06 69 23 19 30

charts



Chì hà da diventà François Tatti ?

Oghje U presidente di a CAB hè in difficoltà. Si ritrova senza magiurità è una parte di l'eletti volenu lampallu fora. Ma cumu tuttu què averà da finisce ?

2020 Candidatu à a municipale di Bastia, dichjara « Qu'on ne compte pas sur moi pour installer François Orlandi ou Jean Zuccarelli dans le fauteuil de maire! ». Un mese dopu, a lista d'unione di a manca vince è François Tatti si trova agiuntu delagatu à u 14 di lugliu.

2025 François Tatti hà arrestatu a pulitica ma ùn si pianta micca. Candidatu à a presidenza di Via Stella, dichjara « Qu'on ne compte pas sur moi pour installer Cyril Hanouna dans le fauteuil de président de la chaîne! ». Senza successu, l'ex-presentadore star di TPMP s'hè refugiatu in Corsica dop'à un cuntrollu fiscale è piglia e cummande di a televisìo naziunale corsa.

2030 Pè u so terzu mandatu à u capu di a CTC, Gilles Simeoni hè ricevutu à Washington da u presidente americanu. Hà neguziatu una piazzanza nant'à u prugramma spaziale di a Nasa per andà nant'à Marzu. Tatti hè candidatu è dichjara « Qu'on ne compte pas sur moi pour installer Jean Bianucci dans le fauteuil de la navette spatiale! ». Ma sta volta dinù, hè un fiascu. L'anzianu direttore di u Syvadec si ritrova capimachja di u « tri sélectif intergalactique » nant'à a luna. •



I dischi di u mese

Hè l'estate, face u caldu.



UP À CHÌ COLLA



BOGDAN STANCU

U RUMENU HÀ AVUTU U SO MUMENTU DI GLORIA NANT'À E RETE SUCIALE CORSE DURANTE A PARTITA TRÀ A FRANCIA È A RUMENIA. DURANTE I ORA È MEZU ÙN SI PUDIA MANCU PIÙ CUNTÀ QUANTU MAGAGNE CI SÒ STATE. DA SCEGLIE: #JeSuisStancu, À POPULU STANCU BISOGNA À MARCÀ, HÈ STANCU MA ÙN SI PIANTA MAI ECC...



ISULA

À BONA NUTIZIA HÈ STATA QUELLA DI U RITORNU DI U GRUPPU ISULA, PIÙ DI 20 ANNI Dopu. AVANGUARDISTU À U PRINCIPIU DI L'ANNI 90, ISULA HÀ SCELTU OGHJE UN'ANDATURA DIFFERENTE DI CIÒ CH'ELLI FACIANU TANDU. UNA DIMARCHJA NOVA CHÌ FACE PRÒ À A MUSICA CORSA. FORZA!



LE VILLAGE PRÉFÉRÉ DES FRANÇAIS

QUIST'ANNU, U PAESE PREFERITU DI I FRANCESI ÙN SERÀ MICCA CORSU. SIMU SALVI.



ANTOINE BOUTONNET

U SUPERFLICCU DI A LOTTA ANTI-HOOLIGANS ÙN HÀ TRUVATU NUNDA À DI D'ALTRU CH'È « IL N'Y A PAS DE CONSTAT D'ÉCHEC » Dop'À L'INCIDENTI È A PANICCA IN MARSEGLIA NANZU È Dopu À A PARTITA TRÀ A RUSSIA È L'INGHILTERRA IN MARSEGLIA, IN I CARRUGHJI È IN U STADIU.



A LFP

PENSATE CH'È NO AVEMU DA ANNUIACCI SENZA THIRIEZ? FIGURATEVI! CHÌ SUPRESA DI VEDE À A PUBBLICAZIONE DI U CALENDARIU DI A STAGIONE DI L2 2016/17 (CHJAMATA AVÀ « DOMINO'S LIGUE 2 »...) U DERBY AIACCINU TRÀ ACA È GFCA ERA PREVISTU À L'ORIGINE U 5 DI MAGHJU 2017. SÒ I PIÙ FORTI.

À CHÌ FALA DOWN

Zitelli di Corsica
Magliette per sgaiuffi
di 3 à 12 anni

De cumprà nantu
www.zitelli.corsica
o da sporte nantu
Facebook



lè amichi turisti, a Corsica hè un paese amicu di a Francia. È per chì u vostru sughjornu sia ancu più bellu, vi prupunimu unepochi di cunsigli.



Quì sapemu accoglie

Ùn dite micca chì in Corsica ùn sapemu micca riceve. Tuttu hè fattu pè u turismu. A dice ancu Pôle Emploi chì fora di quessa, nisun avvene :

Les métiers les plus recherchés en Corse :

- Serveurs de cafés, de restaurants
- Employés de l'hôtellerie
- Cuisiniers
- Aides, apprentis, employés polyvalents de cuisine

(Corse-Matin 11 maghju 2016)

Rispettate a nostra lingua

Hè vera, a nostra lingua più nimu a parla è hè massacrata ogni ghjornu. Viderete, puderete traversà a nostra isula sana senza sente manc'una parolla di corsu. I lucutori ci n'hè di menu in menu è solu 20% di i liceani anu sceltu di studià u corsu in liceu. Ma voi, duvete rispettalla !

RÉSULTATS ET LIMITES DE LA POLITIQUE LINGUISTIQUE: L'ENSEIGNEMENT SECONDAIRE



(Situ di a CTC)



Scuprite a nostra architettura tradizionale

I Corsi, stu populu fieru è autenticu, esciutu da un'antica tradizione agropastorale chì hà sappiutu mantene u stintu. *photo © Léa Eouzan*

Rispettate i nostri animali

Elli, vi rispettanu.



Rispettate i nostri belli paisaghji

Noi, i rispettemu.



photo © U Levante



Andate à a ricerca di a Corsica profonda

"A Corsica ùn hè solu sole è mare" scriveva Ghjuvanterramu Rocchi 40 anni fà. Hè vera, partite à a ricerca di a vera Corsica. Micca quelli di i paesi (ùn ci stà più nimu). Ma quella di a piaghja : i so parkings, i so centri cummerciali, i so hangars, i so lotissements...

photo © Altissimage

BENVENUTI IN



Scuprite una cultura viva

I Corsi sò attaccati à i so antichi è anu sappiutu mantene e tradizione di u passatu. A prova : ùn mancanu e serate "années 80". Jean-Luc Lahaye, Emile & Image, Cookie Dingler, Jeanne Mas facenu parte di a nostra cultura d'oghje. A prova, sò pochi à sapè cantà una paghjella. Invece, tuttu u mondu cunnosce "Bob Morane" d'Indochine è "Les lacs du Connemara" di Michel Sardou.



Realizate u nostru sonniu

Cavaddu, Piantaredda, Portivechju... Noi ùn pudemu più cumprà in bor di mare. Voi, sì.



Rispettate a nostra natura

I pumataghji cughjosi ch'è vo site ùn devenu micca imbruttà a nostra Cursichella ! Solu noi avemu u dirittu d'alimentà i ruminzulaghji salvatichi. On est chez nous quoi !



A meteo hè sempre bona

lè, u tempu hè cun voi. Infine, guasi.

Quì, serete tranquilli

U mare turchinu, a rena fine, è a tranquillità. O micca.



U Qwercitacci

Amichi da tanti anni

Ci avete battutu in Ponte Novu in u 1769 ? V'avemu messu a conchia in casa vostra in u 1967.



UN PAESE AMICU!

Avenu pruvatu per voi

A cuntracezzione

L'altra volta avemu parlatu di Pasquale Paoli è di u dirittu di votu datu à e donne*, è avemu vistu chì l'affare v'hè piaciutu assai assai ! Allora avemu decisu di cuntinuà cusì incù e nostre storie è i nostri parè. Teniamu assai à scrive annant'à un tema mai trattatu in *A Piazzetta* puru s'è no ne parlemu abbastanza durante e nostre serate piene di rosé : a cuntracezzione.

Duie scenette ch'elle anu campatu unepoche di donne (è forse ancu omi!).

SCENA 1. Tù, lettore di *A Piazzetta*, veru Corsu accanitu, sustenidore arrabiatu di u Zporting, ùn t'hè mai accaduta di ritruvatti in lettu, pigliatu da a passione cù una donna (*yeayy, infine!*) ghjunghje u mumentu di strappà u cosu di a cappotta, è.... :

L'omu : « Aiò ùn face nunda ! Ci cunniscimu da un pezzu quantunque, eppo eiu, ùn aghju micca malatie... Eppo, scusami, ùn pigli micca a pillula, tù?! »

A donna (*cretina!*) : « Iè a pigliu, ma, sì siguru ? A pudemu fà cusì ? Bon, ghjè vera chì anch'eiu, ùn sò micca quella chì u face incù tant'omi... » (*bugiardone!*)

È ghjè cusì, ch'ellu cuntinughja u mumentu di a passione... senza cappotta !

SCENA 2. A donna rispunsèvule, in coppiu da tantu tempu, appena bobò, ch'ùn vole più piglià rischi incù st'ormonacce (*chì ci facenu male!*), è si ne v'à à vede u so "gyneco" :

A donna : « Allora o duttò, vuleria un mezu di cuntracezzione senza ormone ! Cosa possu piglià u



fà?! » dumanda ella, appena persa, « forse u sterilet ? Cosa ne pensate?! »

U duttore : « Eiu ùn mettu micca sterilet à quelle chì ùn anu micca avutu zitelli ! Eppo site cusì stretta quì nentru (*true story*) chì ùn vogliu mancu avventurà mi ! »

Ella si ne riparte incù un anellu ormonale indè a piulata di u Signore... perchè iè, cari omi, esistenu sti strumenti chì rendenu u corpu di e donne un'attrazione di tipu Marineland !

Eccu ciò ch'ellu accade à noi, donne, inde a vita di tutti i ghjorni !

Ùn vulemu micca criticà i mezi di cuntracezzione chì esistenu digià è ringraziamu di siguru a lege Neuwirth di u 1967 chì ci hà permessu di campà a nostra vita sessuale in un modu serenu è rispunsèvule. Vulemu incù st'articulu solu favvi capisce chì u

fattu di prutegesi hè dinù un'affare d'omu.

N'avemu una techja di i toni muralizatori, di i consigli sbagliati di i duttori è di i ghjudizi in generale.

Ghjè forse ancu per quessa chì a Corsica hè a regione induve u ricorsu à l'IVG per e minore ghjè unu di i più alti di Francia (15,3%) ! Da riflette quantunque...

Bon è s'è vo avete sempre dumande nant'a à cuntracezzione è n'avete una techja di i duttori « machò » pudete sempre anda à vede u situ di Martin Winkler (♥), quì : www.martinwinckler.com À a prussima ! •

*Bon bon bon, u dirittu di votu datu à e veduve ch'ùn avianu figlioli (maschi attenzione !) di più di 15 anni...

Fonte : • www.actualitix.com/carte-france-interruptions-volontaires-de-grossesse.html
• www.insee.fr/fr/themes/document.asp?reg_id=18&ref_id=20442

A PIAZZETTA hè :

UNA RIVISTA

• **15.000 esemplari** tutti i trè mesi distribuiti di regalù
 • **500 punti** di diffusione in a Corsica sana

UN SITU INTERNET

• **50.000 visite** à mese

Vulete **fà a vostra publicità** nant'à a nostra rivista o u nostru situ internet ?

Cuntattate à :
sarah@apiazzetta.com
06.69.23.19.30
www.apiazzetta.com



U top 5 di i più grandi gattivi antifrancesi

L'Euro di ballò hè sopr'à tuttu l'occasione di ramintacci i grandi mumentu di l'Equipe de France. Eccu u top 5 di quelli chì anu sciappatu i sogni di i tricolori.

1. Harald Schumacher

L'incarnazione perfetta di u male assolute. U capimachju di i gattivi, u scieffu di i mullizzi, u portu assassinu chì hà impeditu di dorme à miliaie di Francesi durante anni è anni. E ci hè di chjè :

- U scenariu terribile : meza finale di cuppa di u mondu 1982, a Francia hà dai butts d'avanzu nant'à l'Alemagna. Si ferà richjappà è penderà à i penaltys.

- L'agressione degna d'un macellu : si ghjoca ottu minuti quandu u purtiere alemanu dà una spallata à Battiston chì finisce à l'ospidale. Manou un sguardu per a so vittima è l'arbitru chi ùn dice nunda.

- L'attitudine : provocazione, antipatia, nisun fair play è gesti spiazati à i suatenidori francesi. Averà sta frase per a so vittima : « deux dents cassées ? S'il n'y a que ça je lui paierai les frais de dentiste ».



2. Emil Kostadinov

Qualificazione per a cuppa di u mondu 1994, a Francia hè ultra-favorita. Ferma una partita à ghjoca in casa, un puntu solu à piglià. Cunnicite à storia : 1 à 1 à 20 seconde di a fine. E ppo un centru di Ginola (Gérard Houllier parlerà di « centre criminel »).

Una ricuperazione bulgaria, un ballò in i pedi di Kostadinov. Una potenza sott'à a transverale à u minutu 90 pè un'eliminazione storica. Hè nata una legenda.



3. Marco Materazzi

2006, era a cuppa di u mondu di Zizou. U numeru 10 francese duvia finisce a so carriera cù una finale è un trionfu nant'à i Champs Elysées. Ma nò, in faccia c'era Marco Materazzi chì hà riescitu à annerbà à Zidane. Una capata dopu, u sognu si n'era volatu.



4. Spohus Nielsen

Recordman di rete marcate contr'à a Francia. U danese n'hà messu dece in una partita persa 17 à 1 durante i ghjochi olimpichi in u 1908.

5. Charalambos "Pambos" Pittas

Più nimu s'arricorda di stu ghjucadore di l'Apollon Limassol. U so mumentu di gloria venterà durante l'eliminazioni di a cuppa di u mondu 90. A Francia ghjoca contr'à a piccula squadra di Cipru. Dop'avè marcatu a prima rete cun Xareb, i francesi l'infangaru. Finiscenu per pigliane unu (un penalty à 12 minuti di a fine marcatu da Pittas) chì sarà sinònimu d'eliminazione. ■



Attenti à u fake

E prime pagine



U filmone di u mese

PiNz
U Veru



A pubba di u mese

ESTATE : CHÌ FÀ IN CASU D'INVASIONE TURISTICA ?

Cumu fà per sopravvive in infernu.

**Troppu tardi,
a piaghja hè fritta**



Vi resta l'internu. Good luck

Piattatevi



S'è vo vidite un
camping-car, o pèghju : un
bus di vechji, pensate à
salvà a vostra vita

**Evitate e "soirées corses",
i "menus corses",
i "groupes corses"**



Hè una trappula
pè attirà i turisti

Sbandite a testa di moru



Hè diventata un cosu pè turisti :
serviette, bobs, t-shirts...
piantate tuttu

Scappate



Ci sò i lochi pericolosi induv'elli
si ritrovanu : u supermercatu, u
mare, i ristoranti à turisti

Tuppatevi l'arechje



Festa di a musica, festivali, DJ
arrabbiati in ogni lochi... Òn vi
scurdate di e "boules Quies"

**Stallate trappule
per falli scappà**



Intornu à a vostri lochi, mettite
pannelli induv'ellu ci hè scrittu
nantu "payant"

Curate i vostri lochi



Fermanu pochi lochi priservati
da l'invasione di l'estate.
Ùn fate micca l'imbecilli,
ùn pustate ritratti nant'à
Instagram è Facebook

Aspettate



Durmite sin'à settembre.
Anderà megliu dopu

U dissegnu di Lawra



Induve ponu esse i 100 milioni di a CTC?

A U Panamà

B A pelouse di Furiani

C I Ronds-points

D I festivali-mojitos

E A Sguizzera

F U giu di Francia

G U tunellu Furiani-Furiani

H I Peignoirs

I E magliette Balladua 1995

J A quarta diminsione

U disegnu di u mese



Publicatu in u Ribombu (1985) è sempre d'attualità 30 anni dopu.

Top nomi struppiati

Palombadje

per quelli chì vanu à u mare

Le lac de Capitel

per quelli chì vanu in muntagna

La Castagnitch

per quelli chì preferiscenu u frescu

#26

CAPIREDATTORE : Petru Paulu de Casabianca

CUURDINAZIONE : Sarah Defranchi

CUPRENDULA : Lisandru Ristorcelli

REDAZIONE : Petru Paulu de Casabianca,

Ghjuvanfilippu Taddei, Sarah Defranchi,

Laura Ferrandini, Laura-Maria Sargentini

DISSEGNI / ILLUSTRAZIONE : Laura Paoli,

Dumenica Fumaroli, Florian Rosi, Paulu

Felice Colombani

RITRATTI : Léa Pieri

INFUGRAFIA : Flora Ambrosini

MESSA IN PAGINA : Xavier D. de Casabianca,

Vanina Bellini

CUNTATTU / PUBLICITÀ : Sarah Defranchi

sarah@apiazzetta.com 06 69 23 19 30

NANT'À E RETE SUCIALE

FACEBOOK : Più di 20 700 fans

TWITTER : Più di 11 600 followers

INSTAGRAM : Più di 2 800 abbonati

U disegnu di Dumenica Fumaroli

Pè a riabilitazione di i pumataghji !

Ùn vi piacenu micca i pumataghji ? Purtantu, di tutti i turisti chì scalanu in a nostra isula, sò quelli chì anu u più qualità (iè iè!). A prova...

• Rispetta a natura : pumate à pocu pressu senza DGM.

• Difende l'impiegu publicu : piglia u trenu.

• Emissione debbule di CO₂ : à rombu di viaghjà à pedi, a pulluzione hè menu ch'è in aviò, 4x4 è jet-ski.

• Hè «durable» : tutti l'anni si face tribbià da i patroni, è volta quantunque l'annu dopu.

• Manghja BIO.

• Rispetta u statutu di residente : cum'ellu hè sbaluccatu, ùn puderà mai cumprassi una residenza secundaria, à u contrariu di i ricconi in Cayenne.

• Cuntribuiscu à u sviluppu di l'ecumumia : à rombu di brusgià, annigassi è fassi minà, crea decine è decine d'impieghi di duttori, infirmieri, farmacisti.

• È sopr'à tuttu : ellu almenu, compia a stagione si ne volta in casa sola !

RISPETTEMU
I TURISTI



UN MINATE MICCA
I PUMATAGHJI

parole d'oghje

u lessicu di Zenbucucciu

S'è vo ùn l'avete ancu intese, ùn tricherete tantu. Parolle nuvelle n'avemu bisognu da sprime a realtà cumplessa di a Corsica oghjinca cun eleganza è spiritù. Eccu dunque un strattu di u picculu dizziunariu di A Piazzetta.



Inpanamassi /v./ ; Piattà i so soldi in Panamà pè fughje l'impòsiti.

« Ùn avia micca da pagà a scola o l'ospidale à ste gloscie chì m'anu elettu, nò ? Allora mi sò inpanamatu » (Jérôme Cahuzac)

Obamà /v./ ; Pruvà à esse un presidente « smart è funky ». Gilles Simeoni obameghja in veru : sorte di u trinnichellu ballendu cum'è Barack scaldendu di Air Force One.



Scioppingu /n. m/ (da l'inglese shopping) ; Spezia di pingu chì pò tuppà tutte e vene chì irriganu u cervellu quandu omu batte i centri commerciali. Di colpa à u scioppingu Victoria Beckham hà fattu un AVC.

Tahiti (-sce) /v./ ; Campà in tongs, sott'à un palmu, luccicante d'ogliu, un fiore (chì pò serve d'antenna pè a telè) in i capelli. Pasquale Paoli a dicia spesso : « À a ritirata, falu à a paillote, tahitiscu è basta. »



Porcu bagnarinu (feminile : lofia bagnarina) /n.m. o n.f./ ; Porcu allevatu nant'à u rinaghju sott'à un parasole è nutritu di ghjacci è di biera (attenti d'ùn cunfonde cù u porcu mannarinu ingrassatu in càrciula). « U porcu bagnarinu di Porti Vechju hà avutu l'AOG (appellazione d'origine ghjunghjiticcia). »

Kohlantà o collantà /v./ ; Manghjà (senza ketchup) una malmignatta, una lucertula o un bufone merdaghju, pè avè u so minutu di gloria. « S'avessi u talentu è assai acquavita kholanteria dinù eiu. »

Toffu(a) /ag./ (derivatu da u nome toffù) ; Si dice d'una carne bianchiccia, acquosa, lazza, senza odore è un zinzicu asiatica. « Iscia ! cum'è hè toffu stu figatellu ! Vene di u Monte Fuji, sì, micca di u San Petrone. »